

畿輔通志卷一百四十二

略九十七

金石五

保定府 清苑 滿城 安肅 定興 新城 唐縣 博野 望都

容城

完縣

蠡縣

雄縣

祁州

束鹿

安州

高陽

陽

承德府

灤平

平泉

豐甯

建昌

赤峯

朝陽

保定府

清苑縣

唐

易州刺史田琬德政碑

中書侍郎集賢院學士徐安貞撰蘇靈芝書琬字正勤自

易州刺史遷安西都護此易州人所立德政碑也以開元

二十八年十月立

集古錄目

易州刺史田仁琬德政碑蘇靈芝書易州

鄭樵金石略

此蘇靈芝書靈芝武功人生開元天寶間書與胡霈然齊
名今霈然書不可見見此碑可以得其概矣

石墨
鐫華

右碑今在保定府蓮池書院碑云公名琬字正勤而趙氏
金石錄鄭氏金石略于氏天下金石志並題作田仁琬德
政碑今易州龍興觀石刻道德經末亦題刺史田仁琬名
元和郡縣志又書易州刺史田琬碑刻立於當時稱名必
無差誤不知何以異同若此也

潛研堂金
石文跋尾

田琬開元二十四年除易州刺史碑盛述其爲政有惠爲
州人所樂而推其先世云敬仲適齊因陳爲族周齊聲近
遂氏於田新書宰相系表陳田聲相近與此符合史記田
敬仲世家以陳氏爲田氏然則陳田聲近蓋由舊說也苟
子不苟篇田仲注曰仲齊人處於陵孟子作陳仲史記游

俠傳東陽田君孺索隱曰漢書作陳君孺皆可取以附證

此碑之所依據

授堂金石跋

按此碑徐安貞撰文題大中大夫守中書侍郎集賢院學士上柱國東海縣開國男舊唐書傳安貞信安龍邱人開元中爲中書舍人集賢院學士上每屬文作手詔多命安貞視草累遷中書侍郎新書傳云徐楚璧終中書侍郎東海縣子在中書省久是時李林甫用事或言計議多所參後更名安貞今碑作東海縣男與新書異餘官與兩史同碑已題安貞則傳云後改名安貞者當在二十八年以前

矣

金石萃編

易州刺史田仁琬德政碑行書徐安貞撰蘇靈芝書開元

二十八年十月立在清苑縣

京畿金石考

在保定府蓮池書院易州御注道德經後諸臣銜名稱田
仁琬此碑稱公名琬字正勤疑是其後改名陸德明經典
釋文序錄稱齊詩久亡魯詩不過江東韓詩雖存其人無
傳者隋書經籍志亦云齊詩魏代已亡魯詩亡於西晉韓
詩雖存無傳之者此碑云公弱冠遊太學尋師受韓詩曲
禮其時韓詩尚有傳人毛詩雲漢篇如煥如焚此碑作如
煥如焚其卽韓詩歟

平津讀
碑記

謹案碑今在保定府學明倫堂左間錢大昕洪頤煊皆
云在蓮池書院不知何時移置至通志略載在易州蓋
因田琬爲易州刺史故云

宋

龍泉寺陀羅尼幢

公政績胡公名郁字仲文廣平肥鄉人由內分省掾爲
中書架閣來宰滿城案庚子乃大德四年內外省卽中
書省及行中書省也廷直保定府人

顯濟廟禱應碑頌

我朝薰鵬南王明之相繼來尹是邦亦有顯濟廟禱應碑

頌

陳肯堂禱
雨感應記

抱陽山禱雨感應記

謹案碑文員外郎陳肯堂撰敘至順三年保定路同知
脫歡不花中順等以大旱詣抱陽山顯濟廟禱雨靈應
因勒文立石

縣尹張信去思碑

謹案碑文員外郎陳肯堂撰至元二年丙子九月立張

君名信字子孚河間樂陵人元統癸酉尹滿城丙子九月去任其文云

主簿賈屋去思碑

謹案碑文編修楊載撰其年月不可考其略云今上卽位之明年以賈公主保定滿城簿公諱屋字伯堅良臺人公得代之明年縣耆老求爲文云云案李守忠碑有兵部郎中賈屋伯堅其人守忠碑立於至正中年其時屋已內擢上下相距當不止三四年疑此碑所稱今上卽指元順帝蓋自英宗至治改元以後十餘年四易其主皆無及五年者此云今上卽位之明年屋始官主簿又云歲餘尹尉相繼去得獨聽訟厯行賑荒築堤諸大政洽於民獲於上始得代旣代之明年始撰文合而計

紹宗題銜武節郎權下關當是中山二字宋史地理志
中山府慶厯八年始置定州路安撫使統定保深祁廣
信安肅順安永甯八州政和三年升爲中山府此刻在
政和三年正新政中山府之時兵馬都監卽安撫使屬
僚也安下關當是肅字保廣信安肅皆下州軍也都巡
檢下關三字未詳閻紹宗楊希仲及紹宗父之名皆不
可考淳化閣帖爲王著所模淳化下距政和相去百數
十年非一人也閻紹宗階武節郎文中所稱武節公卽
舉紹宗之階而言文云閻公守土分閫殆父子相繼爲
保州守將者

石佛象

謹案東嶽廟碑陰上截有造像一區土人就其像築龕

祠之下截砌以磚石不可摹拓不知何代所造以與前碑同列一石故附其後

遼

田氏造尊勝陀羅尼幢

田氏造陀羅尼幢記

其一二方正書記人曰中社田氏記地曰遼易州易縣間

城記時則壽昌元年六方遼國書

黃彭年六
幢亭記

佛頂尊勝陀羅尼幢記壽昌元年冬十月二十二日正書

在定興縣今移府城古蓮花池

府志

謹案幢舊在定興縣固城東南寶峰寺光緒七年輦至

清苑縣置蓮池六幢亭內

造石佛象幢

般若波羅密多心經幢

其一一方造象一方遼國書六方皆正書

六幢亭記

般若波羅密多心經幢正書無年月在定興縣固城鎮今

移古蓮花池

府志

謹案此幢與前幢同在定興今亦輦至六幢亭

金

譙樓鐘鑄象

譙樓鐘款

在府城鼓樓街干雲樓上高丈餘周三丈餘厚尺餘中帶三層每層每方皆鑄佛象上層八面八大字文曰皇帝萬歲重臣千秋篆書中層一方正書七行第一行武略將軍觀察南宮大達第二行定遠大將軍同知完顏豪第三行

鎮國將軍順天軍節度使第四行駙馬都尉唐括貢第五

行吳國公下第六行大定二十一年歲次辛丑辰月第七

行丙子日戊子時鍾成府志

田殖造陀羅尼經幢

幢斷爲二合而觀之記人曰田殖記地曰樓桑村記時則

金大定二十年凡八方二方正書二方金國書六幢亭記

謹案幢舊在涿州桓侯祠旁藥王菴光緒七年輦至清

苑縣置六幢亭

元

縣尹耶律口遺愛碑

謹案碑至元九年立劉因撰文今不存

宣化堂記

在大甯都司治今後堂卽其遺址至元中治中周孟戡建

爲一道承流宣化之所劉因爲記

明一統志

順天府新修孔子廟碑

郝經撰虞摯正書田道口篆額至元二十一年六月

金石分域

編

謹案郝經卒於至元十二年此云至元二十一年者蓋

遲之久而碑始立也

石獅題款

謹案石獅在縣治前光緒五年知縣蕭世本重修官廨

見獅腹有題款洗剔拓之以存其識曰滿城縣昇賢提

領李本於至元二十七年歲在庚寅仲夏蕤賓立石爲

記黃山石匠張榮刊

加封孔子制誥碑

正書在府學至大元年七月府志

謹案此卽大德十一年頒行天下之詔書也

立加封制誥碑記

聖旨碑下載刻記正書間復撰郭貫書並篆額至大三年

六月府志

孔子廟講堂記

右保定路孔子廟講堂記元明善撰張珪書虞伯生稱張

蔡公書腕力尤健端重嚴勁無慙筆諫之臣今觀是碑信

然而書史會要不列其名豈非以功名掩歟元人不以同

名爲嫌如監郡曰教化的總管曰教化一蒙古人一河西

人同官同時後人失於稽考往往混而爲一矣

潛研堂金石文跋尾

元明善撰郭貫篆額張珪正書延祐三年十一月

金石錄
域編

慶豐禪院四至石碣

謹案碣題保定路清苑縣慶豐禪院在北門外東北大
寺佛殿東偏至正三年立

造石佛像

造舍利真言幢

造石佛像

造舍利真言幢

造石佛像

造莊嚴寶王真言幢

三幢幢各八方一方造象七方皆元國書

六幢
亭記

莊嚴寶王真言經幢一舍利真言經幢二俱本國書無年

謹案幢舊在定興固城鎮龍泉臺隅光緒七年輦至清苑縣置蓮花池六幢亭內

靜修書院記

危素撰

京畿金石考

竹澤龍祠記

在府城西南一十里土人禱雨多應元學士尙野有記

明一

統志

臨漪亭碑

謹案碑陳其愚撰舊志云在城西瀾水上府志云在城內卽今臨漪亭在蓮池東南隅故額猶存其碑則不知所在矣

滿城縣

漢

幽冀二州界石

徐水又逕北平縣界有漢熹平四年幽冀二州以代子

有

脫蓋是二州爭境事聞於朝耳詔書遣冀州從事王球幽州從事張眼郡

縣分境立石標界具揭石文矣

水經注

謹案後漢書郡國志幽州所屬之涿廣陽二郡與冀州屬之勃海郡中山國皆毗連北平實隸中山是此石爲中山與涿爭境而立也元和郡縣志漢北平縣天寶元年改爲滿城縣地理志韻編東漢中山國北平縣在今滿城縣西二里涿郡北新城在今安肅縣西南是此石立於北平北新城二縣分界之所卽今滿城縣地也

晉

郎山君碑

徐水逕郎山漢武之世戾太子以巫蠱出奔其子遼遁斯

山故世有郎山君之名山內有郎山君碑事具其文

水經注

謹案漢書戾太子傳巫蠱事起太子亡至湖自經皇孫

二人皆遇害初太子有三男一女太子敗皆同時遇害

皇孫二人隨太子者與太子并葬湖考傳旣云三男一

女同時遇害又云隨太子者惟皇孫二人則其一未就

戮遠遁可知惜此碑文不傳傳大可補班氏之闕也又

案滿城縣本漢北平縣後魏孝武帝永熙二年置永樂

縣隋圖經云永樂郎山漢武戾太子出奔其子遁此山

因名郎山君太平寰宇記引此條載入河東道蒲州之

永樂縣誤矣又案水經注云晉永康元年詔錫君父子
法祠疑此碑亦西晉所立孫星衍樊彬皆定爲漢碑非
也

太白君碑

徐水東南出山逕其城中有故碑是太白君碑郎山君之

元子也

水經注

謹案此云城中卽北平城也

觸鋒將軍廟碑

徐水又逕郎山君中子觸鋒將軍廟南廟前有碑晉惠帝

永康元年八月十四日壬寅發詔錫君父子法祠

水經注

謹案隋圖經云郎山君祠下有郎山君之次子觸鋒將

軍廟太平寰宇記亦引此載入蒲州永樂縣與前同誤